



Tusarniaaffigineqartut

**Uunga siunnersuut pillugu tusarniaaneq: Tarnikkut nappaatilinnik kiffaangissusiaasaneq allatigullu pinngitsaaliissummik iliuuseqartarneq pillugu Inatsisartut Inatsisartut inatsisaat**

02-10-2018  
Suliap nr. 2018 - 15108  
Allagaatit nr. 8757922

Matumuuna uunga siunnersuut nassiunneqarpoq: Tarnikkut nappaatilinnik kiffaangissusiaasaneq allatigullu pinngitsaaliissummik iliuuseqartarneq pillugu Inatsisartut Inatsisartut inatsisaat nr. xx, xx. xxx 2019-imeersoq. Naatsorsuutigineqarpoq siunnersuut UPA2019-imi saqqummiunneqassasoq.

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pin@nanoq.gl](mailto:pin@nanoq.gl)  
[www.naalakkersuisut.gl](http://www.naalakkersuisut.gl)

Siunnersuummi tarnikkut nappaatillit pillugit inatsimmi atuuttumi najoqqutarineqartut atuinneqarput, arlalitsigulli annertuunik allannguuteqarluni. Inatsimmi pingaernerut siunertarineqarpoq tarnikkut nappaatilinnut immikkoortortaqarfimmi nakorsaanerup peqannginnerani assigiinngitsutigut pinngitsaaliissummik iliuuseqarnissamat, assersuutigalugu pinngitsaaliissummik unitsitsinissamat aamma pinngitsaaliissummik nikitsaaliuilluni aalajangiinissamat, tunngatillugu allat aalajangiisinnaanerannut tunngavissiuinissaq.

Siunnersuummi immikkoortut pingaernerit tassaapput:

- Nakorsaanerup peqannginnerani tarnikkut nappaatilinnut immikkoortortami nakorsap allap ilaatigut pinngitsaaliissummik unitsitsisoqarnissaanik aalajangiisinnaanissaanut tunngavissiuinissaq, tamanna nakorsaanermit piaarnerpaamik aalajangiinermillu 24 tiimit qaangiutsinnagit isummerfigineqarsinnaappat
- Pinngitsaaliissummik nakorsaatoritsinermut tunngatillugu nakorsaatitut piumasaqaatinik allannguneq, taamaalilluni pinngitsaaliissummik nakorsaatoritsinermi nakorsaatit annikinnerpaanik *annertuunik* kingunerluutitalit atorineqartalerniassammata
- Inatsisip imarisaanik paasiuminarsaneq erseqqissaanerlu siunertarlugit oqaatsitigut aaqqiinerit naleqqussaanerillu

Aamma pilersaarutaavoq § 23, imm. 2 immikkoortilernissaa § 24-mut, aamma § 39 pilersaarutaavoq nutaatut § 4-nngortinneqarnissaa, kiisalu tassunga attuumassutillit allannguuteqarfigalugit.

Siunnersuummut oqaaseqaataasinnaasut Peqqissutsimut Ilimatusarnermullu Naalakkersuisoqarfimmut tunniunneqassapput kingusinnerpaamik:

**Ulloq 2. november 2018, nal. 16.00**

Oqaaseqaataasinnaasut mailikkut uunga nassiuteqquneqarput:

[PIN@nanoq.gl](mailto:PIN@nanoq.gl), kiisalu Anne Zacho Grønhøj-imut [azgr@nanoq.gl](mailto:azgr@nanoq.gl).

Tamatuma saniatigut siunnersuut tusarniaavikkut pissarsiarineqarsinnaavoq agguuna  
[www.naalackersuisut.gl](http://www.naalackersuisut.gl).

Inussiarnersumik inuulluaqqusillunga

Anne Zacho Grønhøj (Peqqissutsimut Ilisimatusarnermullu Naalackersuisoqarfik)

## **Tusarniaaffigineqartut**

Namminersorlutik Oqartussani Naalakkersuisoqarfiit tamarmik  
Nunat immikkoortuini peqqissaaviit s/ Peqqinnissaqarfiup Qullersaqarfia  
Kommunit tamarmik  
Nunatsinni Nakorsaaneqarfik  
Kalallit Nunaanni Eqqartuussivik  
Nunatta Eqqartuussisuuneqarfia  
Kalaallit Nunaanni Politimesteri  
Kalaallit Nunaanni Rigsombudsmandi  
Peqqissutsimut Pitsaaliuinemullu Aqutsisoqarfik  
Tarnikkut Nappaatilinnut Immikkoortortaq, Dronning Ingridip Napparsimmavissua, Nuuk  
Tarnimikkut Nappaatillit Maalaarutaannik Aalajangiisartut  
Tarnikkut eqqarsartaatsikkullu napparsimasut ilaqutaasullu peqatigiiffiat Sugisag  
Kalaallit Nunaanni Meeqqat Pisinnaatitaaffiinut Sullissivik MIO  
Kalaallit Nunaanni Nakorsat Kattuffiat  
PK/PPK  
Peqqissutsimut Utoqqarnullu Ministeria  
Inatsisinik Atuutsitsinermut Ministeria  
Afdeling R, Aarhus Universitetshospital (Region Midtjyllandimi Tarnikkut Nappaatilinnut  
Immikkoortortaqarfik)